

家庭旅行
醫士藥肆
及政軍工
農商學界
必備之書

莫英軒醫學叢書
第一種修正再版
丸散真方彙錄上冊

李序

相臣先生仁人也。先生設藥肆多處。利源廣矣。然未足爲先生榮。先生充國府醫長。職位尊矣。然未足爲先生貴。先生所最足重者。在一心之仁耳。先生酌定方書。冀不誤人。仁術也。先生活人無算。貧不受謝。仁德也。黃帝岐伯以仁治天下。而爲萬世醫祖。先生以醫濟世。道重岐黃。與古聖之仁慈相輝映。范文正公以仁安天下。願爲一代良醫。先生以醫救人。德偕文正。與先賢之仁厚有同情。先生紹太翁之營業。精通脈理。是以仁承先矣。先生得哲嗣之受教。特示心傳。是以仁裕後矣。且先生以仁孝父母。以仁敬兄弟。以仁處鄉里。非僅生死人而肉白骨。是仁德之大也。蓋士曰。夫仁。天之尊爵也。今先生以醫名世。以仁愛人。誠可謂篤盡天職。完全尊爵矣。是爲序。

鄉愚弟。李本璋謹序

王序

范文正公曰。不爲良相。當爲良醫。蓋良醫治疾。猶良相治國也。相非才則國危。醫非道則命殞。不泥古法。不執成見。陰陽燮理。著手生春。得無過方有功耳。故蕭曹隨規不爲襲。申韓參治不爲苛。相業殊而成功一。何也。致疾不同。手術遂異也。彼淺夫躁進。恃才變法。剝斷正氣。引人膏肓。采薪之微。因以不起。推源禍始。誰生厲階。甚矣。醫術之難。而方劑行世之尤宜審慎也。龔莫軒主張相臣君。世業軒岐。家學有素。其先德愼五先生。昔在杜林設育仁藥號。活人濟世。聲望已著。相臣既秉心法。復於大沽小站滄縣各設春和藥肆。施治時久。經驗尤深。其最可稱者。近以各大都會市肆。膏丹丸散仿單。未必一致。考其配

製藥品。強半僞訛。或據耳食之學。妄詡不傳之秘。欺人欺己。貽害靡涯。因每親一醫書。必詳窮其邃奧。察良方之確有神效者。隨時隨地筆之於冊。或良藥初售。新書始版。必設法購得之。悉心化驗。力辨真訛。用備考證。垂四十稔。積成巨帙。其肆方無甚功效者。概淘汰之。各方下又分主治用法忌服等字樣。註釋詳明。付諸剞劂。題其眉曰稟莫軒醫學叢書第一種。蓋此後遇有心得。隨時續輯。鉅製宏編。衡之前賢。當無多讓。是編行世。將見後學有所梯航。病者得資取舍。伯休市隱。何得知名。元化毒靈。迹甘緘默。心至專功亦偉矣。既脫稿問序於予。憶予十年前。治軍荆楚。耳柑臣名。旌招戎幕。屈掌軍醫。學術兼優。心知有素。逆卜是書出版。定獲風行一世也。故不揣謏陋。樂爲之序而不辭。

民國十有八年。歲次己巳。八月朔。陶山主占元子氏。識於東海之濱。

李序

自神農嘗百草而藥以興。以藥醫病而方以立。藥有丸有散。名雖各異。而遵方配製則同。配製非宜。濟人適以欺人。配製合宜。濟人而又秘不示人。一則僞。一則私。二者皆非也。吾友張相臣先生之用心則不然。先生淵源家學。渤海儒醫。前在保陽屢充陸軍各鎮醫官之職。時余爲書記。兩次同舟。醫理湛深。素所欽佩。後王將軍子春督鄂。先生曾充督署中醫主任。及馮河間蒞任總統。又充公府醫正。成績卓著。自河間去職。遂懸壺津門。醫學高明。老而益進。診病之暇。心得尤多。近著丸散眞方彙錄一編。函囑爲序。自維謏陋。又不知醫。烏足以序先生之撰著。然讀先生之自序。則知先生之所以爲此者。蓋見名區大埠。所售某丸

某散。或乏精良之品。致乖配製之方。否則配製雖宜。又視爲獨得之奇。以守不傳之秘。心焉非之。乃本四十年所搜求所見聞所考證所經驗者。彙錄成帙。付諸剞劂。以正其失。以公諸世。此不惟售者所當奉爲圭臬。卽醫家病家亦當取作指南。恃爲寶筏也。吾知此書一出。定當洛陽紙貴。行見奇方多中。躋一世於健康。妙藥回春。登斯民於仁壽。是書也。不將與肘後千金海上諸方書。並垂不朽哉。

民國十八年。雙十節後。正定李潤之拜序時年六十。

張序

嘗思醫藥。爲衛生最要之事。是以良醫之功。等於良相。然良醫不易得。而庸醫則到處皆是。延醫服藥。洵非易易。若有人焉。搜羅數千年之方書。舉凡靈驗可用之良方。皆詳爲釐定。細細講明。俾有病者。檢方用藥。無事延醫。即可收良醫之效。更免庸醫之誤。此其功德。當無量也。僕浮沈醫界。近五十年。日存斯心。以馨香祝斯書之出。不意於吾宗弟相臣之丸散眞方彙錄見之。相臣世居青縣。自幼讀書。穎悟異常。爲家道寒素。弱冠後輟讀習醫。自設藥肆。遂卽其中研究醫學。焚膏繼晷。寒暑無間。卒成名醫。其生平臨證疏方。手到病除。活人已不勝計。而其孜孜救世之心。有加無已。因思藥中丸散諸方。最使人用。而藥房配製。多不一律。卽方書所載。亦恒名同而方殊。此與病者之關係非輕也。於斯竭數十稔工夫。成丸散眞方彙錄一書。舉凡方書所載丸散諸方。莫不辨其同異。考其眞僞。更參以各大商埠藥房之配本。且遇有世傳秘方。又多方搜求。以補古方所未備。方後又詳細發明。俾用

其方者。不至有誤用之弊。此其事雖近於述。實較作者之功尤鉅也。僕是以快覽一過。欣喜異常。因而爲之序。

民紀十八年。孟冬上旬。同宗兄錫純。書於天津東門裏。中西滙通醫社。

周序

屠維大荒落歲之首秋。天津張相臣先生。郵示丸散眞方一編。並遺以書曰。余之成此集也。垂四十年矣。凡中國藥肆之方。不啻盡萃於斯冊。考訂方藥分量之異同。而折衷於至當。使全國藥肆。均有所準則。而統於一是。子曷爲我叙之。僕盱衡今世。覺此編之切要。實不可須臾緩。於戲。吾國醫藥。以駁而不純。雜焉無綱。爲世所詬病久矣。方藥則異法方宜。地各異製。學理則五運六氣。人憑懸測。或疑本經靈素爲僞託。或疑傷寒金匱多脫簡。益貽排擠者以口實。至盡欲廢棄中國醫藥以爲快。而不知東西各國。若英若德若日之最高醫學院。均採用吾國之古方。如青龍半夏等湯。蓋數見不鮮。而歷著奇效者也。論者因是。以爲中國醫籍。衡以科學。其謬誤之點。固已無足爲諱。而方藥則發明尤早。效驗昭然。故以後欲發揚中醫之途徑。乃在深研藥物方劑。使晦者顯之。劣者汰之。古今成方。奚翅萬數。珎珎雜糅。良窳莫辨。則會合而釐正之。進而博採新知。納入科學之軌。以中國醫藥悠久之歷史。猶久蘊未啟之寶藏。一日以科學整理。其發明豈有限量耶。是故醫林大師。羣起編輯醫藥課本。俾成一有系統之學術。今張君是編。雖僅限於丸散。苟能措施全國。其猶統一中國醫藥之嚆矢歟。

中華民國十八年仲秋。無錫周鎮。叙於惜分陰軒。

陳序

張相臣先生。醫林之道者也。自總角之年。即酷嗜炎黃之學。矢志濟世。不避艱辛。不慕榮利。曾應馮大總統公府醫官之聘。除應時診病之外。絕不言及祿位世事。時人爲之風焉。論先生所學。古今聖賢之醫書。無不窮究。每遇一方。必叩其來由。每治一證。必求其本源。處心積慮。志在仁慈。故所活之人。不啻恒河沙數矣。今

先生將數十年搜集之驗方。惠然付諸剞劂。公之於世。其好生救世之婆心。不言而喻。茲特將所彙之編。出以示余。余不禁根心生喜。如見奇珍。於是不揣文辭之鄙俚。與醫學之淺陋。遂援筆而爲之序。以助先生濟世之興云爾。

民國十八年。陽月之上浣。同邑陳曾源澤東氏。書於中國醫學傳習所。

魏序

醫家之弊。在臨症不屑用丸散膏丹。以爲病家延請。不另立一方。無以對人之脈金也者。噫。誤矣。夫丸散膏丹。皆古昔名醫。研究數十年之作。後人所患各症。詎無相當之功用。吾友相臣兄。有鑒於此。乃以診治餘暇。搜求古今南北名醫。所立丸散膏丹真方。凡確有把握者。便錄而存之。由是日積月累。無法不備。刊成一書。名曰丸散真方彙錄。於此可見吾友之苦心。爲濟世計。決不以時俗拘也。至於注採某書。以昭證據。詳加按語。以免舛錯。不守秘密。以示大公。集衆方爲一書。殆仲尼述而不作之意歟。雖然是書一出。凡臨症取用

。著手奏效。其有功於同胞者。豈淺鮮哉。

民國十八年孟冬。沾上少清魏恩錫謹序

吳序

經曰。物格而后知至。至理明言。千古不易。凡職業之未臻精純者。皆其知之有未致故耳。況醫藥寄人之生死。而不精於格致可乎。永安張相臣先生。醫學中之大格致家也。先生素以濟人爲己任。幼從名醫游。得所傳授。遂藉懸壺而行濟世之功。數十年來。所臨之症多矣。所用之藥夥矣。然每臨一症。輒加意推求。每立一方。必悉心考究。以故活人無算。經驗宏深。而復體大舜善與人同之志。希至聖博施濟衆之心。恒於立方考驗有得者。援筆誌之。並於膏丹丸散諸成方。其配製如何。其效用如何。莫不朝夕尋繹。一一詳求。其實理達於目的。而悉筆之於書。歷有年所。積成篇幅。將各卷彙集成編。題曰襲稟軒丸散膏丹真方彙錄。刊行於世。公諸同好。以備醫家採擇。庶足完全生平濟人之初心焉。吾知是書一出。臨症者大有把握。醫界中樹一圭臬。一視專利者流。得一良方秘而弗宣者。不可同年而語矣。余不揣固陋。爰贅數言。非過爲揄揚也。亦聊以表先生格致之精心。與公善之宏量云爾。是爲序。

民國十八年。季秋上澣。渤海吳壽朋介三氏。識於淡如草堂。

胡序

上古於醫者。咸設官而氏其族。是以業精用宏。人無疵癘夭札之傷。其極至使羣生樂育。導

天和而安民命。到治之隆。有攸賴焉。逮及後世。醫非世業。而醫方之選。古今互殊。不遇碩師。乃博稽而鈔功。終其身雖深思而莫究其義也。竊欲以調氣血之平。應天地之和能乎哉。青縣張相臣先生。少治岐黃家言。凡四十餘年。歲活人以千百計。而詰嗣毅武君。又以門業名當世。先生嘗哀集古今醫方。審其幾微。而察其異同。獨能盡其曲折變移之理。折衷至當。俾壹之於正。其言簡直易入。使人咸洞然於疾病之變狀焉。今將雕版行世。以此曉諸人人。斯豈非慈明篤厚之君子乎。會見此書。普徧寰海。人將盡獲養身濟人之益。先生之功德。豈有量哉。

民國十年庚午。石屏胡商彝。序於寄津望雲之室。

題詞

蜀南葉古紅

金匱精研。玉機諳諷。裏紺知生。鍼盲發夢。析昧平毒。藥權輕重。肘後方多。壺中術衆。搜奇入錄。網逸成篇。韭英測壽。漆葉引年。千金不易。萬口爭傳。佇觀茲集。戶誦家弦。

題詩

楊秀章孝臣

叢書編次明如鏡。方術條分有智珠。丹比千金施妙用。肱經三折淪靈樞。搜羅宏富胸中貯。採擷精英肘後無。四十年來深積累。津門高挂市前壺。

自序

藥物學。實學也。非有真學實驗者。不敢執筆而爲藥物學之著作。茲本資質魯鈍。幼年失學之人也。自先大父慎五公。在本邑杜林設育仁堂藥號。始得就蘇自和姻伯。習學醫藥。未

幾余家又在大沽設春和堂藥肆。乃就族姪裕昆。討論醫學。嗣在小站復設春和堂分號。始謂河間馮蒂林夫子。遂得專攻醫學。而於藥物一門。尤悉心研究。嘗考各大都會商埠。諸藥肆之丸散。其方單概不統一。配方不無僞訛。歷相授受。秘不示人。貽誤病家。不知凡幾。此則殆所期期以爲不可者也。因之凡遇醫書無不披讀。遇經方中有應驗常用之丸散眞方。則錄而儲之。或聞某家售某良藥。必設法而得其方。雖重價不惜。或聞方出某書。必輾轉求之。藉資考證。或照製而試用之。如此積四十年之久。錄方盈帙。久擬刊成專冊。藉廣流傳。因需資畧鉅。竟未果行。現施診津門。已近十稔。小兒燕傑侍診之暇。亦從事校錄。其不驗之肆方。概爲刪去。謹將生平所閱直魯蘇鄂各省大埠藥肆。常行丸散膏丹之藥目。按古今原書校對。詳加考覈。並標明所採某人方書。或某藥號。以昭信用。誓不守一家秘密不傳之積習。因此忘其固陋。彙錄此編。付諸梨棗。各方下分其主治。用法。忌服。方藥。說明等類。茲個人或有徵驗見解。卽附加按語。俾免貽誤。非爲沽名釣譽。實冀有益於同胞也。若普通醫藥界各置一編。俾醫家知普通藥肆之丸散。係何藥配製。臨證時直告以服某藥最宜。服某藥最不宜。斯得之矣。丸散係醫家之助。藥坊丸散照製眞確。且詳細說明。則丸散暢銷。生意必能發達。藥界亦得利濟之實。庶幾我國藥肆丸散。統歸劃一。免致外人之譏評。是亦挽回利源之一道也。方今醫會醫校。逐日增多。研究此道者。不可不手執此書。以備參考。尙望海內有道。繩愆糾謬。匡所不逮。是則鄙人深願也夫。

民國十八年。夏歷己巳荷月。張樹筠自叙於天津紫竹林襲冀軒。

丸散眞方彙錄再版自序

拙輯丸散眞方彙錄。意在保存良方。以免散佚。刊印千部。用以就正於醫藥專家。俾丸散方案。得因互相研討。而益臻完善。不意出版以來。謬蒙醫家贊許。藥肆採用。社會各界。更引爲家庭必備之書。二年之間。銷售遂罄。而遠近函索者。尙源源不絕。謏陋如余。曷勝榮幸。用特復就原版。重加釐訂。並附錄各界來函。藉彰盛意。至續輯良方。爲數尙夥。祇因再版倉卒。未及編入。且俟異日。另刊續集。以供同好。是爲序。張樹筠謹識。

中華民國二十二年八月一日。

滄縣城內李子義先生覆函

贈售拙輯丸散眞方彙錄道友覆函

相臣仁兄如面。許久未晤。渴想殊深。茲奉到眞方彙錄一部。披閱數頁。領悉我哥關心同胞。於各方之實有經驗。足爲醫道模範者。精心記載。會萃成編。詢爲救世之良方。誠有功世道矣。然我哥濟世苦衷。亦於是書發現一斑。非特惠賜舍下。足見愛我之深也。書此道謝順頌仁安。

愚弟李奉璋鞠躬

十二月五號

濟南普利街榮春堂藥店。

劉華封先生覆函

相臣先生如握。郵寄各書。均已收到。遽蒙厚贈。曷勝感荷。弟將丸散彙錄。畧爲披閱。分門別類。巨細靡遺。各方下均有按語。能用與否。一望可知。而又附論藥肆之弊。並辨誤。誠藥界之指南。病家之福星也。鄉前輩劉仲華先生。見而悅之。令弟滙上大洋貳元壹角伍分。再購一部。祈速爲寄下可也。濟南藥肆。僞貨更多。按胡麻巨勝子。古書均爲黑芝麻之別

名。而藥肆則有大胡麻小胡麻之分。小胡麻則以茺蔚子充之。大胡麻巨勝子。均不知以何種草種充之。（或云僞大胡麻係蒿苳菜種。）合歡花。亦以烟桿樹花殼代之。（此花濟南俗名胭脂盒子。弟家有此樹。或云其葉可熏痔疾。）仲華翁力主用絨花樹皮。（此花濟南名爲馬翼花。）而藥肆不認也。舉凡石類介類。無一不煨。穀種草種無一不炒。杏仁且湯泡十數日，用甘草皂角水煮熟。令其苦性去淨。石膏則鼎鼎大名之醫生。且書煨用。又何責乎畧識字無識之店夥哉。至於丸散膏丹。益不可究詰。非蟲蛀即渣滓。價貴者去之。價賤者多加。古方之分量不問也。服用之效否不顧也。即以最普通之六味地黃丸而論。因熟地之難成細末。乃少入之。而加兔絲子。並將每年門市揀出之山茱萸核。通行加入丸內。固不知其肉之瀉精。核之滑精也。且各家配本。方藥絕不一律。蓋因藥之貴賤。而執事者任意增減所致。弟曾將配本中之溫白丸方。與和劑局方相對。十數味藥。只有川朴巴豆霜二味相同。其餘作僞之處。罄竹難書。言念及此。不特爲病家危。並且爲中藥前途痛。弟自五三慘變後。與友人合資。開設榮春堂藥店。力矯積弊。凡配合炮製之藥。必親自檢看。丸散膏丹。以中國醫學大辭典。與和劑局方爲配本。（今得先生之書。將益有所遵循。）乃因時局關係。竟致虧累。明春將有倒閉之虞。不圖千里同心。兄竟先我而爲之。但兄之春和堂。日見發達。弟之榮春堂。極形蕭條。亦有幸有不幸也。（茲請在毅力上用工。無有不發達之一日）唯弟寧自行歇業。絕不肯喪盡天良。以僞亂真。爲同道唾罵。耿耿此心。差堪告我知己耳。（書不盡言。尙祈源源賜教爲幸。下畧）

濟南劉華封鞠躬

十二月五日午

王聘賢先生來函

貴州貴陽縣三塊田七十五號

敬啟者。曩遊京鄂。久仰醫林泰斗。多方訪求大著。以開茅塞。十載未獲。深以爲憾。去歲於山西醫誌廣告。得覩丸散眞方彙錄。當即由郵購買一部。於冬初奉到。閱悉老先生醫學深邃糾正丸散諸方。嘉惠藥房醫界。實非淺鮮。綴佩奚如。茲匯上大洋拾圓。另單請檢寄各書。由郵快包寄下爲感。專此。下畧。

繆銘澤先生來函

江蘇如皋耕茶天利二樓

相臣先生有道。頃接大作。並聆教言。敬悉種切。刊登敝處廣告。遵命可也。大作內容豐富。多不傳之秘。然盡全國之所有。尙不止此。名方秘藏。殊可惜也。倘再版斯書。深願先生。設法探求。以事增輯。而臻大成。不棄菲薄。甚願盡我所知。以貢左右。先生以爲如何。再如 貴書痛風門。第二十五方玉樹神油。即西藥郁加利油。西名 Oil Eucaly-pti 是也。售此者。有單用此油者。有加樟腦者。此藥祛風防腐之劑耳。眞中風門第五方。馮了性藥酒。即蟾蜍浸高糧酒一百天而成的。是祛風妙藥。然售此者。皆射利之徒。假者居多也。中藥與西藥。配伍而成之方劑。見效神奇。不可不究也。如瘧疾門之五神丹。金雞勒。即西藥之金雞納。若此丹改用金雞納霜更好。取西藥之長。補中藥之不及。吾人亦宜特別注意也。先生又以爲如何。若夫僞方。背醫理害人性命者。書中皆宜特別告誡。則先生之按語。指示明路。正造福病黎。豈淺鮮哉。中醫之長在此。特效之方劑。得先生之整理。行且光大斯道。

。願努力進取。老大益壯。不勝馨香以禱其成。肅肅。下畧。

教弟繆銘澤拜啟

北平市管理頤和園事務所覆函

敬復者。准函開敝所主任張相臣先生志在驗方公開。不守秘密。著有襲莫軒丸散真方彙錄二冊。詠懷引玉集一冊。現已出版。茲奉上貴館各一部。至祈檢收。以資公益。俾得參考。收到務祈賜復爲盼等因。查尊著。內容豐富。實有心得。刊印精良。無任感佩。現陳列於敝所圖書館中。俾便參考。專此復謝。並請主任道安。北平市管理頤和園事務所啟 一月十七日

龐廉生先生來函

江蘇宿遷電報局

相臣先生惠鑒。前接寄來丸散真方彙錄一部。並贈引玉集一本。均照收謝謝。先生將古今各種藥方。以科學方法。加以整頓。並註以適當之語。按吾知此書一出。不特醫藥界有所憑藉。即社會人士。手此一編。如聘一常年醫藥顧問。而先生誠有功於世道人心不淺也。下略。

梁敬熙先生覆函

由暹羅國寄

相臣先生大鑒。收到 尊著丸散真方彙錄壹部。又蒙 贈詠懷引玉集壹本。敬快覽一過。如獲異寶。足見 先生術精岐黃。心存濟世矣。雲山遙隔無任神馳。此復。下畧。

旅暹弟梁敬熙上言

六月二十日

山東諸城王肖舫先生來函

由青島東鎮威海路九十二號華洋藥房寄

相臣道兄仁鑒。接到大著丸散彙錄。披讀之餘。頓開茅塞。凡集方議藥。均從實驗得來。裨

益醫藥兩界。殊非淺鮮。將來不脛而走。不翼而飛。不數年風行海內外。操左券矣。日後有暇。擬序數行呈政。以備異日再版續貂。以誌景仰之愚忱。餘情縷縷。統容續啓。茲匯上大洋九元正。照章價購丸散眞方彙錄四部。祈速寄下爲要。弟於市內各同人處有續行介紹者。日後由伊自行匯洋購備。與弟同樣關照爲感。購寄住址。另紙繕謄。附呈照辦可也。肅此。下畧。

愚弟王肖舫謹啟

馮問泉弟覆函

河間西詩經村華春堂，

相臣老世兄大鑒。承惠丸散彙錄一部。並碑誌銘帖一版。早經收到。因弟在任邱硝局。當時不知。故未作覆。刻方回舍正擬裁答。適蒙賜函。特此迅卽奉報。丸散彙錄一書。實爲吾兄之心血。濟世之慈航。卽無先嚴之驗方。弟亦必視同珍寶。況有先人手澤。能不鄭重保存乎。弟在任邱現又兼辦磺局。以此在家日少。承示惠件。家人偶延轉遞。遂致答報稽遲。祈知已諒之。家慈之症照常。惟精神尙健。可紓遠注。專此奉復。下略。

愚弟馮德鴻鞠躬

夏歷十一月十二日

許漁珊先生覆函

武強東街樂山堂藥局

相臣大兄有道。頃接

華翰。感佩良深。並收大著兩本。盟誦一週，洵不愧醫藥界之津梁也。碑文一則。寫作俱佳。裱之可令後輩臨摹。弟依然鹿鹿。無善可陳。唯身軀尚健。食量較增。差堪告慰錦注耳。匆此布覆。順頌文安。

弟漁珊拜復

古曆小陽月十四日

奉天劉景素先生來函

竊嘆醫學。與家聲同赫。慈祥共醫德增輝。廣布眞方。華民咸上春臺。破除枕祕，藥界均冀良範。曷敢鄙人神智。增益鄙人之技能。寸丹感激無涯。奉天教愚弟劉景素。

南京郭受天先生來函

今幸有先生之丸散書出版於華北。爲吾華國醫學整理第一先聲。臨風維誦。快何如之。南京愚小弟郭受天頓首。

紹興曹赤電先生來函

大著丸散眞方彙錄。攷正甚詳。可與藥業作定本。

桂林白任生先生來函

著述傳世。良方濟人。欽佩莫名。

安南林靜趣來函

先生存心濟世。懷整理國粹。造福人羣之衷誠。可謂無量壽佛也。

無錫周小農先生來函

大著鑒別謹嚴。有裨社會。欽佩之至。無錫周鎮敬題。

漢口仁壽堂參號來函

醫藥之導師。漢口仁壽堂參號。

天津萬全堂參茸莊來函

藥界指南。

天津萬全堂黃玉亭侯伯平敬題。

安國縣公裕昌藥莊來函

大著爲家庭之妙品。

安國縣公裕昌藥莊拜題。

北平醫藥協會來函

醫理精深。經驗宏富。此次丸散彙錄出版。不啻醫藥界之曙後明星。仰見大公爲懷。欽佩無極。

北平醫藥協會敬題。

山東省立圖書館來函

茲承惠贈襲襲軒丸散真方彙錄一冊。業經編目歸架。用供衆覽。謹此奉覆。並謝高誼。下畧。

山東省立圖書館敬啟。一月二十四日

山西公立圖書博物館來函

今承捐助詠懷引玉集襲襲軒丸散真方彙錄榮哀錄共計三種四冊已由本館如數收到除照章編號儲藏備衆閱覽外合奉證書以誌

高誼

山西公立圖書博物館

一六紀念圖書館來函

敬啓者。猥承賜贈襲襲軒詠懷引玉集丸散真方彙錄張封公胡太夫人合錄計四冊。宏篇鉅製。琳琅可觀。拜領之餘。曷勝感佩。除分別登記陳列。以供衆覽外。謹肅鳴謝。尙希嗣後源源

賜寄爲荷。下畧

一六紀念圖書館啟

國立北平圖書館來函

敬啟者。承

惠贈丸散眞方彙錄一部。無任感泐。啟名山之蘊。寵錫百朋。分東壁之光。珍藏什襲。叨蒙嘉貺。永荷隆情。除分別編目庋藏。備供衆覽外。謹復。鳴謝。

國立北平圖書館謹啟。 一月二十四日

漢口蕭介青先生來函

前接讀發售丸散眞方彙錄通告。敬悉診餘。從事編述。發明古聖昔賢之精蘊。指導醫林之後進。無怪海內推爲泰斗也。今郵呈郵花貳百分。收到後。請飭檢丸散眞方彙錄一部。以先寄爲快。俾讀後宣傳推銷。共得杭中之秘。使患沈疴者。早脫苦海也。下畧。

漢口後學蕭介青上 十月十三日

天津英租界劉寶和先生來函

相臣先生惠鑒承賜大著丸散眞方彙錄等書。誦悉卓識宏論。誠救世之婆心。濟人之寶筏也。舍下已將彙錄中。如寧坤丸。兒科至寶丹。瀉痢萬應散。瘧疾五神丹。按方製就。施送病者。據報服效神奇。均我公之仁德也。並擬將他方選製若干。藉資博濟。專肅奉達。下畧。

天津英界四十四號路門牌二十九號劉寶和鞠躬